

Berlin Collection

Romanica

*Marggraff*  
*R 51*  
*Un 3*  
*N. 83*

LE DIT

# DE L'VNICORNE ET DEL SERPENT,

EN VIEUX PICARD,

OFFERT

A

*✓*  
**M. F. MARGGRAFF**

POUR

LE CINQUANTIÈME ANNIVERSAIRE DE SON ENTRÉE DANS LA CARRIÈRE DU PROFESSORAT  
LE 30 MARS 1862,

PAR

**M. F. WOLLENBERG.**

A BERLIN CHEZ S. CALVARY ET C<sup>IE</sup>.  
A PARIS CHEZ AUG. DURAND.

701456

.D6

1862

## DE L'UNICORNE ET DEL SERPENT. \*)

- Mout par est fols cil ki s'entent,  
 Qui le bien voit et [le] mal prent,  
 Trestout premiers doit au bien (en) tendre,  
 Et puis as autres faire entendre  
 5 Aucun bien, se ses cuers li laisse.  
 Or vous ai mis tel cien en laisse  
 Que ie lairai coure par cans.  
 Il n'est nus hom tant soit viuans,  
 Se ceste oueure vient esscouter,  
 10 Que moult ne doie redouter  
 Le diauble, qui nos iustice  
 Par le pechie de couuoitise.  
 Or vos vuel commencer .i. conte  
 De couuoitise qui sourmonte  
 15 Trestout le mont a .i. seul mot,  
 Elle est par tout si a hauot,  
 Que cascuns en a tel plente,  
 Qu'ele a tout le mont aueule.  
 Iaadis .i. preudom estoit  
 20 En .i. cemin, et si erroit  
 Deuant lui coisi vne bieste.
- Hideuse de cors et de tieste,  
 Et sour toute riens felenesse,  
 Et si estoit si larenesse,  
 25 Que n'est nus hom qui tant seuist,  
 Qui de li garder se peüst.  
 E mi le front estoit cornue  
 D'une corne si tres ague,  
 Qui[l] n'est arme qui le tenist  
 30 Pour tant c'a plain cop l'atainsist.  
 Quant li preudom le vit venir,  
 Enfuies tornue par air,  
 Que paour [a] que ne l'ataigne.  
 Fuiant vint a vne montaigne,  
 35 Dont moult est haute la falise.  
 Or ne set il mais, en quel guise  
 Il se puisse garir el monde,  
 Car la valee est si parfonde  
 Et si hideuse entre .ii. mons,  
 40 Que nus ne puet veir au fons.  
 En cele liv qui si est hideus,  
 A vn serpent si mierueilleus,

\*) Tiré du manuscrit n° 7986 de la bibliothèque impériale de Paris. Ce beau manuscrit du XIII<sup>e</sup> siècle, écrit sur parchemin, contient

- 1° Histoire de l'ancien et du nouveau testament en vers français par Hermant.
- 2° Plusieurs miracles de Notre Dame, extraits de ceux de Gautier de Coinsy.
- 3° Le dit de l'unicorne et du serpent.
- 4° Vie de Ste. Thais.
- 5° Vie de Ste. Marguerite.
- 6° Le pater noster en vers par Silvestre, pour la fille de Mathieu, comte de Boulogne.
- 7° Vie de St. Alexis.
- 8° Le viex de Cologne.

v. 16. Roquefort, glossaire de la langue romaine: *havon, havot: mesure de grain, en Flandre; en bas lat. havotus.*

Que tout le mont vult engloutir  
 E la gent destruire et hounir.  
 45 Adies a la geule bae,  
 Si iete vne si grant fumee  
 Et si orible et si pusnaise  
 Et si puant et si mauuaise,  
 Qu'il n'est nus hom pourqu'il le voie,  
 50 Que de paour morir ne doie.  
 Or est cil en trop grant peril,  
 Car de .ii. pars voit son escil,  
 Il voit en el fons contreuall  
 Le serpent hideus et mortal,  
 55 Le fu et le flame meslee  
 E le peril de la fumee,  
 Qui auant aler ne li laisse:  
 La bieste pas ne le repaïsse,  
 Que pour ocire adies le cace.  
 60 Or ne set il comment il face:  
 S'il atent la bieste, il est mors,  
 Et se li sierpens l'auoit mors,  
 Iamais iour garis n'en seroit.  
 E[s]vous celui en grant destroit,  
 65 Ne set le quel prendre a son cors,  
 Car s'il remaint cois, il est mors.  
 Il vit deuant lui el pendant  
 De la falise haute et grant  
 .I. arbre grant et bien ramu,  
 70 Et quant li preudom la veu,  
 Lors pense, que sus montera  
 Et sa vie respitera.  
 A l'arbre vint isnielement,  
 A ses .ii. mains l'aert et prent,  
 75 Puis monte amont par mi les rains,  
 Tant qu'il vint sus a daerains.  
 Illuec s'asist sour vne brance,  
 De lui sauuer en grant balance,  
 Car la bieste moult le dehaite,  
 80 Qui sour la falise l'agaite.  
 Viers lui sa corne a tornue[e],  
 Plus trencant et plus afilee  
 C'onques ne vit nus hom rasoïr.  
 Ce dist l'escriture pour voir,

85 C'ainc faus ne fu si esmoulue  
 Ne nule alesne si ague.  
 Et voit la desous le serpent,  
 Qui vult mangier toute la gent,  
 Et le fu et le flame espris,  
 90 Dont ses cuers est si entrepris,  
 De paour a le cuer esmarbre.  
 Lors a garde au pie de l'arbre  
 Si a coisi .ii. biesteletes,  
 Qui manguent les racinetes,  
 95 De l'arbre mengoient a force  
 Le cuer et le fust et l'escorce.  
 Si ne sunt pas d'une samblance,  
 Car l'une est noire et l'autre est blanche,  
 Ne nuit ne iour onques ne finent,  
 100 L'arbre manguent et afinent.  
 Elles ne finent nuit ne iour.  
 Esvous celui en grant dolour:  
 „Las“! fait il, „que porai ge faire?  
 „Or ne sai ie, de quel part traire,  
 105 „Car ne cuit pas que de cuer maint  
 „Cis satanas qui la ius maint.  
 „Les .ii. biesteletes m'afolent,  
 „Quiconque i'ai de bien me tolent,  
 „Car cil arbres partans cera,  
 110 „Et cis serpens m'engloutira.  
 „Cele bieste cornue el front,  
 „Qui de mal faire me semont,  
 „M'ocira, ie le sai de voir:  
 „Autre garant n'em puis auoir.  
 115 „Quel part que voise, perdus sui,  
 „Ains mains nus hom n'ot tel anui“!  
 Acou qu'il ert en tele efrance,  
 Vit deuant lui en vne brance  
 Trois gouteletes de miel pendre.  
 120 Il les aert, si les va prendre.  
 Les .iii. gouttes de miel manga  
 Et puis vne autre regarda;  
 Si en vit .vi. gouttes nouïeles,  
 Qui estoient asses plus bieles,  
 125 Que celes ne furent deuant.  
 Lors en vit par tout l'arbre tant,  
 Que ce n'est se mieruelle non,  
 Del miel i a a grant fuison.

Par le miel qu'il a goulouse,  
 130 A tout seu torment oublie,  
 Ne li souvient mais de male aise,  
 Tout a entroblié pour l'aise,  
 Le destruxion qui l'atent  
 De l'unicorne et dou sierpent;  
 135 Ne de nul mal ne li souvient,  
 A la docour del miel se tient.  
 E, las, dolans, pōur coi lai fait,  
 Quant a si grant dolour le trait?  
 Car les .ii. biestes ne seiornent,  
 140 Qui son arbre a noient li tornent.  
 Tant l'ont mene et tant rongie,  
 Que l'arbre ont si damagie,  
 Que nuit ne iour onques ne finent,  
 L'arbre manguent et afinent.  
 145 La bieste cornue voit bien,  
 Que li arbres ne vaut mais rien.  
 Encontre vint abondissant,  
 Il va ia tous amenuisant,  
 De plains eslais si abandone,  
 150 De sa corne tel cop li doune,  
 Que l'arbre fait aval cair.  
 Or ne se puet cil soustenir,  
 Que il ne soit ceüs au fons,  
 El val qui'st hideus et parfons,  
 155 Or est ceüs aual el gouffre,  
 V il toutes les dolours souffre.  
 Or est il drois que ie vous die,  
 Que cele bieste senefie,  
 Qui est cornue enmi le front.  
 160 Cou est la mors qui nos confont,  
 Qui nuit et iour nos est si pries  
 Et si nos gaite, si adies,  
 Que n'est nus hom qui tant seuist,  
 Qui de li garder se peüst.  
 165 Felenesse est et mal querans,  
 Elle prent tout, vilains et frans.  
 Si vient ausi comme li lere,  
 Elle emble le fil et la mere,  
 Le pere au fil, le fil a l'ome,  
 170 Elle prent tout: cou est la soume.

Elle fait si plenier son conte  
 Qu'ele n'espargne roi ne conte,  
 Arceuesque ne cle[r]c ne priestre:  
 El monde n'a plus felon maistre.  
 175 Et cil ki plus le bieste fuit,  
 Ce sont home et feme, tuit  
 Nous qui en ce siecle soumes,  
 Qui volentiers la mort fuiomes,  
 Se nos le sauïemes de cha,  
 180 Volentiers iriemes de la:  
 Il n'est nus hom qui le veist,  
 Qui volentiers a ele fuist.  
 Et de l'arbre et de la falise  
 Vous dirai toute la devise,  
 185 V li preudom a garant vient,  
 C'est la vie qui nos soustient.  
 Cascuns se tient tant com il puet,  
 Et quant partir nos en estuet,  
 Voirs est que moult envis laissons  
 190 Et nos cieres et nos maisons.  
 Et quant ce vient au departir,  
 Que l'arme doit dou cors partir,  
 Qu'il samble a cascun sans delu  
 Qu'il n'ait c'un [tout] petit vescu.  
 195 Or vous vuel iou la raison rendre  
 Et par exemple fa[i]re entendre,  
 Que les .ii. biestes senefient,  
 Qui l'arbre manguent et afinent.\*)  
 Cou est li nuis et s'est li iours  
 200 Qui no vie met en decours.  
 Ier fu plus longe nostre vie,  
 Qu'ele n'est [ans], ne doute mie,  
 Et hui plus longe que demain:  
 Ensi croions au daerain.  
 205 L'autrier desirames noel,  
 Quaressme, paskes autretel,  
 Apries pentecoste en este,

\*) Le ms. porte:

Qui l'arbre manguent et afinent  
 Qui est cornue enmi le front  
 Cou est la mors qui nos semont  
 Qui nuit et iour nos est si pries  
 Qui no vie met en decours  
 Cou est li nuis et sest li iours.  
 Mais voyez vv. 159 — 161.

Et apries c'on ait messonne,  
 Fieste Toussains et St. Martin:  
 210 Ensi trait cascuns a sa fin.  
 Li iours et li nuis nos acorent,  
 Ensi nos vies nos aprocent.  
 Quant li iours et la nuis obscure  
 On tant este en no pasture,  
 215 Qu'il ont no vie pasturee  
 Et a noient l'ont amenee,  
 Lors vient la mors qui ne se faint,  
 De sa corne si nos espaint,  
 Si durement viers s'acointe,  
 220 Qu'ele iete mais le plus cointe.  
 Or vous vuel dire sans meslee,  
 Que senefie la valee,  
 Qui tant est laide et anieuse,  
 Orde, puant et perilleuse.  
 225 Cou est infiers, v li maus keule  
 Et li serpens a le grant geule,  
 Qui tous iours bee a nous decoiure  
 Si nos deuos bien apercoi(r)e.  
 Tant con nous auons poeste  
 230 De nos conduire a sauueite,  
 Doit cascuns faire son agait,  
 Car se nos somes la ius trait,  
 Jamais iour issir n'em porons,  
 Mais tous iours en viuant morons  
 235 Ausi com cil qui gist el fu \* \* \*  
 Or est il drois que vous sacies  
 Del miel, dont l'arbre fu carcies:  
 Or vous en vuel le sens descrire,  
 Qu'il senefie et qu'il vient dire.  
 240 Li miex qui ens en l'arbre abonde,  
 Ce sont li faus delit del monde,  
 Li biel boire, li biel mangier,  
 Li biel viestir, li biel caucier,  
 Les grans reubes, li palefroï,  
 245 Les richeces et li orfroï,  
 Et li lorain et li cembiel,  
 Et li lieure et li esiel.

dans le ms. v. 226 se lit d'abord, puis v. 225.

v. 234: ms. *moront*.

v. 235: On voit par la rime que plusieurs vers sont  
 omis.

Les grans dames et li bourgeois  
 Et li vilain et li courtois  
 250 Sont si a tel delit torne,  
 Que tout en ont dieu adosse.  
 Nus ne quiert mais fors ses solas,  
 Et s'aucuns tient entre ses bras  
 S'amie, soit puciele v dame,  
 255 Pour cel deduit oublier l'arme.  
 E las, com poure couuoitise,  
 Qui si tost est a noient mise.  
 Or esgarden par tout le mont  
 Tous les plus rices ki i sont,  
 260 Comme lour ioie tos lour faut,  
 Si tost com(e)li mor les asaut.  
 Viers la mort n'a mestr[i]e proece,  
 Biautes ne force ne largece,  
 Sens de prouoire ne d'abe,  
 265 Que n'est nus sage clerc letre,  
 Que tost ne voist par mi la mort.  
 [ . . . . . ]  
 Viers lui ne vaut escus ne lance,  
 Dras, rides ne coueeniance.  
 Que feront donc cil baceler,  
 270 Qui ne finent de pourpenser  
 D'iaus cointement aparillier,  
 Lors dras font crecer et ploier  
 Et lors sollers font detrancier,  
 Dras fileter et en voisier?  
 275 Cil ont del faus miel tant mengie,  
 Que ia en sont tout engignie  
 Et les dames et les pucieles,  
 Qui sont or sour lour gauieles,  
 Qui souuent sont encolourees  
 280 Et afublees † auroet † †  
 Cascune tout son pour met

v. 265 ms. *Que de nul*.

v. 273 Roquefort gloss.: DÉTRANCHÉS: *souliers d'une longueur extraordinaire, qui furent longtemps de mode, surtout dans le XIII<sup>e</sup> siècle. Plus la qualité de celui qui les portoit étoit éminente, et plus les souliers étoient longs. Ceux d'un prince avoient deux pieds, et ceux d'un chevalier un pied et demi. C'est sans doute de là qu'est venu le proverbe: Il est sur un grand pied dans le monde.*

En lui acesmer cointement,  
N'est pas pour diev, mais pour la gent.  
Quant elles sont aparillies,  
285 Estroit viestues et caucies,  
Si vont deuant lor huis seoir,  
Pour cou c'on les puist miex veoir:  
Celle qui plus est biele et blane,  
Fait volentiers de lui mostrance.  
290 Tele samble estre sauereuse,  
Qui a le car laide et hideuse:  
Qui toute nue le veroit,  
Sacies que petit l'ameroit.  
Les reubes les font auenans.  
295 Lors ont les grailles si tendans,  
C'a paines pueent lors bras tendre:  
Tous cis orgieus venra a cendre.  
Ceste vie trespasera,  
Elle ne uaut riens ne vaura;  
300 Car se ceste vie durast,  
Il fust bien raisons c'on l'amast.  
Mais pour cou qu'ele puet falir,

Le doit tous li monde hair,  
Et la vie del ciel amer,  
305 V il n'ot onques puint d'amer,  
Qui tous iours sans fin durera,  
Tant comme damedie sera,  
Qui sans fin, sans commencement  
Fu e sera tout vraiment.  
310 Et cil ki pour les faus delis  
Seront el fuc d'infier galis,  
Jamais iour issir n'em poront,  
Mais tous iours en viuant moront,  
Ausi com cil qui le miel prist,  
315 Qui en si grant dolour engist.  
Or proions diev le glorious,  
Que il mete tel sens en nous,  
Que nos puissiemes adosser  
Les faus delis et oublie[r],  
320 Que a infier nos vuelent traire.  
Et diex nos laist tele oeure faire,  
Que tous nos mete a garison  
Et duinst vraie confession!

